

DISSERTATIO
MEDICA INAUGURALIS
DE
PALPITATIONE
CORDIS,

Quam

DIVINA ADSPIRANTE GRATIA,

PRÆSIDE

Dn. ELIA RUDOLPHO CAMERARIO,

Philos. & Med. D. P. P. Consiliario &
Archiatro Wirtemberg.

*Patrono & Præceptore suo Parentis instar
æternum devenerando*

Pro LICENTIA

SUMMOS IN ARTE MEDICA HONORES,
INSIGNIA, AC PRIVILEGIA DOCTORALIA
LEGITIME CONSEQUENDI.

Ad diem 21. Martii, horis antemeridianis

IN AULA NOVA

Publico ac Solenni Examini sistit

JOH. CUNRADUS REMMELIN, Kircho-Teccensis,
Designatus Physicus Baling.

TUBINGÆ,

Typis MARTINI ROMMELI.

*Generis, Virtutum, Munerum, Merito-
rum Eminentia*

PERILLUSTRI

DOMINO,

DN. GEORGIO
EHRNREICH,

LIBERO BARONI de CLOSEN,
in HAYDENBURG, WANKEN,
& MONTE S. BLASII.

*Serenissimi VVürtembergia DUCIS, CON-
SILIARIO, Supremi Dicasterii PRÆSIDI, Civitatum ac Di-
strictuum BALINGENS. DÜTTELING. EBING. & ROSEN-
FELDENSIS PRÆFECTO SUPERIORI,
VICE-COLONELLO,*

*S.R.I. LIB. Nobilitat. Suevic. Circuli ad Nicrum, Sylv. Hercyn.
& Ortenovv Interioris Consilii ASSESSORI,*

DOMINO SUO GRATIOSO.

VIRO itidem

Plurimum Reverendo, Dignissimo

D O M I N O,

M. JOHANNI Wäßerern / Ecclesiæ

Balingensis Antistiti fidelissimo, vicinarumque Super-
attendenti vigilantissimo.

NEC NON

*Nobilissimo, Auctoritatis gravitate, Prudentiâ,
Iudiciiue dexteritate conspicuo*

Dn. JULIO SIMONI Nördlingern / u. J.

Cand. Inclutæ Reipubl. Baling. Præfecto Inferiori Am-
plissimo.

UT ET

Dominis CONSULIBUS Baling. Pru-
dentissimis, Meritissimis, Cæterisque SENATORII
ORDINIS, qui Balingæ viger, ADJUNCTIS Specta-
tissimis.

Inauguralem hanc Dissertationem

In debitæ gratitudinis tesseram, ulterio-
remque sui commendationem

dedicat & consecrat

AUTHOR.



Σ. Θ.

T H E S I S I.

P*alpitatione Cordis*, ut multi in *Arte Nostra* affectus, à symptomate & parte affecta suum sortita est Nomen, palpitatione enim à *palpando* dicitur, quod hac correpti crebram cordis, vicinarumque partium contrectationem manu quasi factam, vel *Ciceronis* verbo l. 2. de natura Deor. motionem frequentem, seu micationem cordis, ignis adinstar sentiunt; Sub *Cordis* autem nomine non intelligitur orificium ventriculi sinistrum ob mutuum hujus cum corde consensum & symptomatum similitudinem, à *Veteribus* hoc ornatum titulo, sed pars corporis nostri facile princeps in mediis ventris medio, à Summo rerum Opifice, locata. Hinc qui *cardialgiam*, *cardiogmon* nostrum appellant symptoma, non accuratè loquuntur. *Græcis* ratione non absimili πάλμῳ τῆς καρδίας ὡς τῆς πάλμῳ, quod subsilire, titubare, vibrari, agirari, quati, contremiscere, & palpitare sonat. *Aristoteles* l. d. ressp. c. 20. πῆδησις, aliis κίνησις παλμῳδης, κλονῳδης, σπασμῳδης vocatur: *Gallis* dicitur le Battement du cœur. vid. Nathan. Duez diction. Gallico-Germ. Latin. *Italis* Battimento del cuore. In *Vernacula* das Herzklopfen / Herzsucken s. pechen & Herzpuffen / rudiori plebeculæ der Herzklopfen vocatur. Palpitatione autem hic non notat 1. Agitationem sive motum partis cujuscunq; naturalem, veluti *Ægimius Eleus antiquissimus Medicus* quemvis motum arteriosum palpitationem vocabat. 2. Partium aliarum, quæ distendi & dilatari possunt, p. n. motum. 3. Dolorem palpitantem arteriarum pulsum referentem, quem πῖνον παλμῳδεα vocat *Hipp.* 2. pranot. *Coac.* c. 11. r. 30. 4. Eum, qui sursum deorsumque contra nostram voluntatem fit, motum, ut accipit *Ca-*

stellus. Sed notat istum pravam Cordis mox describendum motum. Aliàs variis hoc malum effertur nominibus; *Serapio* Caphoram, *Rhases* titillationem, *Alii* subsultionem, salissationem, vibrationem, *Alii* jectigationem, pulsum, *Marcellus Empiricus* *Burdigalensis* saltum, sive saltationem cordis, Formidinem *Quidam* appellant, *Moderni* haud pauci in spasmorum locant serie, *Avicenna* cum *Affectis* tremorem vocavit cordis, cui *Alii* contradicunt. *Mercurialis* inquit: *An hic motus nominari debeat* παλμὸς seu πῆδσις, *vel tremor*, non multum ad curationem pertinet disputare. *Consil. 3. pro Augustiss. Imperatore Maximil. Secundo, & Cons. 44. pro Illustrissimo Cardinale Orsino.* *Ue ego quidem existimo, questio hæc potissimum à Medicina Practicis dponendo non aestimatur uno.* Sunt verba *Langii Miscell. Curios. Medic. §. 16.* Plura ad ὀνοματολογίαν pertinentia vid. apud *Heurn. l. de morb. pector. c. 8. & Hercul. Saxon. prælect. præct. part. 2. c. 1.*

2. *Palpitatio Cordis est motus ejusdem inordinatus, confusus, coactus, ab insigniori ejus irritatione ortus.*

3. *Hanc descriptionem qui cum sua non coincidere mirabitur, perpendat, rogo, me non unam saltem cordis palpitatio- nis speciem delineare voluisse: Singulas nunc ejus explicabo, pandam ac resolvam particulas. Movetur, quia irritatur, Cor, quâ omnes suas partes, quâ auriculas, basin, conum, fibras exteriores, à sinistro cordis latere versus dextrum porrectas & ad basin ejus terminatas, internas, ductu planè opposito latas, ventriculos sive thalamos, tam dextrum, qui sanguinem & cum ipso varia à vena cava recipit, quàm sinistrum, sanguinem ad partes mittentem, scrobiculos, cavernulas, sulcos, septum, vasa tam arteriosa quàm venosa, coronaria etiam, potissimum majores & insignes illos canales, vehentes modò bona modò mala in hunc oceanum, nervos & fibras nerveas. Hos quidem *Veteres* paucissimos & exiles in pericardium saltem tendentes, vel etiam si in cor, parcè tamè & exili ramificatione disseminatos descripserunt; *Recentiores* tamen *Anatomici* satis numerosos in corde se notasse, & plures eorū ramulos non ad superficiem tantum sed & substantiam excurrentes referunt, quorum agmen ducunt *Celeberr. Bartholinus, Lownerus, Blasius, Steno, Highmorus, Willisius*, qui ab octavo, quos *Quidam* à sexto, derivant pari, imò*

imò ante hos jam *Spigelius* & *Vidus Vidius* idem sensere, & *Fallopius* integrum nervorum glomum cordi insertum suis publicè demonstravit discipulis. Associat hoc in negotio Cor sibi pericardium, quod pro primario ponit subiecto *Hercul. Saxon. l. c. Pulmones, thoracem, diaphragma, costas, arterias*, nec enim in cordis arteriis molestæ illæ subsultiones, verbo *Scaligeri*, subsistunt, sed in aliis arteriis tanquam propaginibus continuantur. Ita in carotidibus sensum tremulum, in *Præside Rhotomagensi* *Primario* maximo palpitationis impetu tentato *Holler. de morb. intern. c. 29.* in *Nobili Maiorana* laudatus *Barthol. cent. 1. Hist. 18.* observant, imò adusque cerebri sinus & arterias temporales earum commotione & capillorum motione monstrantibus, ascendisse *Exc. Conringius* autò *Ant.* testatur in *disput. de palpit. cord. de arteriæ dorsalis palpitationibus* vid. *Salmuth. in obs. med. cent. 1. obs. 46. & 94. cent. 2. obs. 7.* arteriæ coeliacæ ap. *Amat. Lusit.* in curatione cujusdam Melancholia Hypochondriaca laborantis: Imò haud rarò omnes ferè corporis partes, intestina, etiam externas socias sibi Cor in motum adsciscere & saltum, Medicorum observationes & propria cujusvis autopsia testantur.

4. *Movetur* Cor, ceu aliàs naturaliter dilatatione sive Diastole & Systole sive contractione ad vitam totius partibus corporis largiendam & refluxum ab ipsis sanguinem vitalitatis caractere tingendum, ita hîc p. n., dum ordinarios transgreditur limites, penitus inordinatè, confusè & coactè motum instituit. Aliquando vehemens est iste motus, aliquando velox, aliquando creber, nonnunquam hæc junguntur, hinc *Plerorumque celeberrimorum Medicorum* definitionem hæc ingrediuntur verba. At pace *Illorum* dixerim, palpitationem, prout hîc considero, plerumque quidem, sed non semper hæc sibi habere juncta, ut præsertim ante syncopen ingruentem aliquando contingit. Non quidem hujus loci est leviter inordinatus cordis motus ab animi vel corporis metu ortus, nullam Medici requirens curam, at solet tamen aliquando nec audiri nec videri, sed manus saltem contactu observari; Ceu è contra sæpius concussio adeò violenta est, ut alias quoque duriores percutiat partes, sonitu motus ad aures usque delato inque partibus vicinis & membranis dolore enato, tam vehementissimus

nonnunquam & tyrannicus quasi motus, ut vestimenta cordi injecta in altum attollat, costas vicinas è sede sua dimoveat, in junioribus ac tenerioribus foràs ad protuberantiam permanentem propellat, imò penitus frangat, septum cordis amplo hiatus disrumpat, arteriam foràs in aneurisma dilatet, ob tantam vim ad notabilem sæpè distantiam extra fores etiam auribus perceptus. Insigne tradit exemplum *Tulpius l. 2. Obs. med. 25.* Talia palpitationibus spuriiis *Quidam* annumerant, *Quidam* in dubium vocare audent. At *Galenus, Fernelius, Forestus, Holle-rius, Mercurialis, Benedictus Sylvaticus, Schenckius, Höferus, Syl-vius, Harveius, Conringius, Bartholinus*, fidem suam interponunt ac testantur. *Casalpinus in arte medica l. 6. cap. 20.* in *Philippi Ner-rii Romani Sacerdotis* sæpissimè palpitatione correpti corpore post mortem duas costas fractas deprehensas fuisse scribit. Si-mile ferè recenset *Christoph. à Vega l. 3. s. 6. c. 8. Artis Medicinæ de Sanctio à Velasco Filio Comitis Nivensis.* In illo *Philippo Nerio* palpitationem cordis & fracturam costarum, quas per annos 50 sustinuit, supra ordinem naturæ fuisse, singulari dissertatione ostendere conatus fuit *Angelus Victorinus Balneoregiensis, Philo-sophus & Medicus Romanus.*

5. In coacto illo motu, Systole cordis *plerumque* impe-ditur, dum fibræ ita dilatantur & distenduntur, ut perfecta fieri non possit, sed sanguis per repetitum talem motum educendus fit, ipsius diastoles & systoles reciprocatio inordinata cum vi aliquando & impetu fit: *Aliquando* & arteriæ è cordè egredien-tes contrahuntur successivè, & seriatim post cardiacas fibras, ut liber & naturalis sanguini pereas motus denegetur: *Aliquando* ventriculi & pulmonalia arteriosa vasa obstruuntur, aut alia de causa angustantur, hinc constrictio ventriculorum impedi-tur, sanguisque, cui libera in pulmones è corde non patet via, vasa istius tam violenter distendendo, cor ad illam cogit quas-sationem: *Aliquando* tremula agitatione concitantur ac qua-si vibrantur mobiles istæ recensitæ cordis partes: *Aliquando* spi-ritus animales huc vecti, sive propria culpa, sive à directore, ut aliis auxilium ferant, spasmodicè affecti tali Cor quatiunt mo-tu: *Aliquando* & arterias cardiacas spasmodicè contrahi, nervis cardiacis spasmodicè contractis statuit *Willisius. Sapius* con-

contractio non solum ac dilatatio depravantur, sed ipsum Cor præsertim in violentiori palpitatione à suo loco violenter movetur, elevatur, deprimitur, concutitur. Motus ergo Cordis *depravatus* est quà ordinem, tempus, quantitatem, qualitatem, modum & rationem ejusdem, nonnunquam quà singula, interdum quà quædam, extra proprii motus concentum dissonus ac confusus, modò, dum ludicram illam artem Cor facit, ut *Plautinus Euclo* loquitur, dilatatorius, modò depressorius, modò trepidans, modò tremulus, modò concussivus, quassatorius, spasmodicus. Postremum hoc Epitheton *Celeberrimi Quidam Recentiores* Palpitationi tribuunt; *Nonnulli* spasmos à Naturali Facultate, Conservatrice & Expultrice deducendo: *Nonnulli* animalem motum cordi musculo tribuendo: *Nonnulli* utrumque motum conjungendo sive potiùs conciliando. Et hanc partem, in tyrannica præsertim ista & violentissima palpitatione etiamsi musculum non statuatur, spasmodicè moveri posse, quis non affirmaret? *Depravatum* autem dum dixi motum, *Fernelius & Petreus* per *Auctum* describentes, contradicere videntur; At cum auctio systoles & diastoles nostram non absolvat palpitationem, cum motum hunc quà intensiorem potiùs quàm extensionem ac confusionem considerent, cum celeritas & vehementia, ut dictum, non semper adsit, stat meum assertum. Qui auctum sed *dolorosum, tristem* vocant motum, perpendant, non ad essentiam palpitationis spectare, etiamsi dolor aut tristitia jungatur, imò illam *Argenterii* sententiam à paucis receptam esse.

6. *Irritatur* autem Cor, cum exquisitè percipit, sentit id quod adversum, molestum, inimicum est: *Quidam* hac gaude-re perceptione dicunt ob facultatem Naturalem conservatricem omne hostile expellere conantem, sicut omnibus partibus, ita & Cordi concessam; *Quidam* ob illam, quâ omnes musculi pollent, sentiendi potentiam & Cor, quod musculum vocant, irritari statuunt. *Excell. Dn. D. Wepferus, Senior, Patronus meus singulariter Colendus in Diss. de Palpit. Cord. l. 4. seq.* scribit, cujus & ego amplector ac veneror sententiam: *Potentia instructum est Cor, qua noxia & damnoſa agnoscit, qua Tactus est: Cum enim ignobilioribus membris ad varias injurias perferendas &*

declinandas concessus sit, quis principi parti, cuius incolumitas vita conservanda summè necessaria est, denegare audebit? Et paulò post: Ut ut sit, certè experientia Cordi sensum inesse faciliè confirmabit, si Cor nudum, vel acu, vel alio instrumentopungatur; tùm oculis usurpare licebit, quos saluus facturum sit, quos conatus ad rem molestam repellendam adhibeat; quos, si sensu privatum stuperet, nullatenus institueret: Hæc Vir ille Celeberrimus. Et *Anatomici* hodierni quotidie de hoc varia instituunt experimenta. *Accuratissimus Anatomicus Steno*, post varias circa varia corda observationes tandem colligit, motum cordis intermissum redire ad vellicationem, sive à re solida, ut acu, cultro, ungue, sive à sanguinis vel halitibus vel dilatatione. *Act. Hafn. Volum. 2. Obs. 46.* Perceptio autem illa fit ab Archeo, Spiritu, Facultate, Natura, voces prout lubet, hoc aut alio etiam nomine, uno verbo à corde, suis adhuc aliquantum instructo viribus, non penitus oppresso, aut per dissipationem enervato, tum enim tales pro abigendo hoste motus amplius instituere non valet, irritatum, laceratum enim talem ad propulsandum inimicum instituit, imò aliquando hoste propulsato non statim furorem deponit, sed plebis instar rebellis aliquandiu quassationem continuat, motu autem, nisu, raptu, tumultu isto, contra hostile quodcunque sive adhuc præsens, sive paulò ante abactum aliquando ipsum enervatur, succumbit, ac tandem conficitur. Fieri irritationem hîc, ut in tussi & sternutamento, dicit *Franciscus Henriquetz de Villa Corta Disp. 1. de morb. cap. 6.* Cordis palpitatio violenta est concussio, qua cor vehementiùs pulsans rei adversæ injuriam expellere contendit, haud secùs quàm cerebrum in epilepsia, dicit *Feyneus Practic. Med. l. 3. c. 3.* Sunt, qui etiam quod utile est, attrahere, ac deficiens restaurare satagentis cordis motum hîc esse statuunt, quorum sententiam debite explicitam meæ adaptari posse censeo.

7. *Irritandi* autem vim habent & exerunt ad hoc cudendum symptoma, *Spirituosa, Humorosa, & Solida* in corpore nostro. *Spiritus* hîc peccare solent *qualitate irreducibili*, toto genere sive substantia vocant *Alii*, dum venenato inficiuntur miasmate, in peste, petechiis, variolis, venenis per nares, os, ictum, morsum, vulnera, ulcera, glandulas subcutaneas, aut alio modo

do communicatis, dum inquinantur à pure hîc vel ibi in corpore detento; Refert *Guilielmus Ballonius l. 2. Epidem. p. 230.* de foemina palpitatione insigni laborante, cum dolore sub mamma sinistra, quæ abscessu foris aperto & pure plurimo emanante quasi miraculo quodam convaluit. Annon præter illam iniquationem etiam abscessus presserit ac irritaverit, non dubito. *Reducibili*, dum *vel* nimis fervidi, tenues, volatiles ac impetuosius, *vel* crassiores, obscuriores, magis lenti, imò secundum *Quosdam* peregrinis odorib⁹ ac saporibus tincti sunt. *Quantitate* *deficiente*, dum *vel* materiæ *vel* efficientis primariæ aut secundariæ culpa non in debita generantur quantitate, aut dissipantur, absumuntur, dissolvuntur; Spirituum defectum & caloris naturalis extinctionem cordi undulationem & palpitationem lethalem imprimere vult *Eustach. Rud. l. 2. d. puls. Johren.* Palpitationem animi deliquium particulare dicit. vid. & *Attulium Bulgetium de aff. Cord. l. 2. c. 3.* *Excedente*, de quo vitio mox, ubi de sanguine sermo erit, hoc enim qualitatis vitium potissimum junctum habet. *Motu nimio vel* inordinato, concitatio, *vel* orgastico, enormitico, impetuoso, *vel* depravato; *Aliquando imminuto* ob varias ipsorum infectiones, degenerationes & oppressiones. Cum Spiritus vitæ libero gressu permeare aut penetrare totam cordis substantiam nequeunt, cor palpitare dicit *P. I. Faber Vol. 3. Panchym l. 3. c. 6. & Loco. Halitus* calidi, sicci, tenues seu *fuligines*, calidi, humidi, lenti, crassi sive *vapores*, copiosi à fermentatione p. n. oriundi, viscida irretiti materia, non condensabiles sive *flatus* hîc non excludendi variis istis dictis modis à Naturæ secedentes regulis; Juxta alios humores & vapores etiam tenues accusat *Avicenna l. 3. Fen. 2. tract. 2. c. 1.* *Sebastianus Pissinius l. 1. d. Palp. Cord.* causam proximam ponit flatus, imò *πάθος φασκῶδες* *Quibusdam* appellata palpitatio. *Highmor Exercit. de affect. hypoch. c. 6* Sanguinem tenuem & flatulentum, *Cartesius* plus justo rarefactum, *Meysonnerius* substantiam ϕlem ; *Scheunemannus* $\text{ϕ} \text{---}$, --- tus ϕles --- tos accusant. Ab hac causa palpitationes illæ in *Praside Rhotomag. ap. Hollersum & Viro illo Honesto* cujus *Schenk. l. 11. de palpit. Cord. ex Dodonai Obs. 1. 54.* meminit ortum duxere, solvebantur enim paroxysmi emissis maximo cum strepitu flatibus

bus & ructibus, nec aliam *Barthol.* in muliere Haffniensi causam ac flatus agnoscit. Irritant autem quatenus *fervidi* nimis & *renues* vel in ipso corde ita rarefacti vel massa sanguinea plus justo ebulliente exclusi & impetuosius irruentes Cor & reliqua vasa ipsi appensa quatiunt, sive *torpidi* & *crassi* molesti hujus *παλμῶ* authores evadunt; tale exemplum memoratu dignum ab amico fide pleno adduxit *Excell. D. D. Mezgerus, Præceptor meus per quinquennium & quod excurrit fidelissimus, aternaque ideo observantia mihi colendissimus in Diss. 3. de circ. sanguinis §. 4. de muliere catarrhosa & phlegmatica vehementissimis à passionibus hystericis palpitationibus vexata, quæ solâ corporis, quoties rediit, ad terram incurvatione sublata fuit, rationem quæsitus, hanc mihi privatim reddidit satis probabilem Excell. hic Author, quod fortè frigidi & crassi vapores à Spiritu inclinatione retento & calore cordis aucto fuerint discussi & dissipati. Omnium autem promptissimè vapores *acri* simul & *acida* qualitate armati, quos *Sylvius* in Pr. ex disproportionata in intestinis, bilis scilicet & succi pancreatici effervescencia deducit, hunc motum inordinatum promovent, imò fibras cordis & arteriarum carneas constringendo secundum *Willis.* cui *Barbett. in Pr. de Palp. Cord.* subscribit, planè convulsivum reddunt. Flatus, qui haud raro è varia minera effervescente suscitantur, non tam distendendo ac dilatando solum utrium instar agunt, licèt aliquando, sed rariùs, viis ordinariis debite non patentibus fiat, quàm velliendo, lacerando, irritando, imò, cur non & hic aliquando fieret, quod in aliis partibus, ubi spasmodicè tensis fibris flatus retinentur, sive effectivè, sive causaliter.*

8. Ex *Humorosorum* classe irritant: *Sanguis* devians *Qualitate* (non abstractivè hic considerata) *irreducibili*, non solum iis, quibus Spiritus modis, sed & dum verminosus fit, dum grumescit insigniter, ut ad pristinum statum per alterationem aut imutationem reduci non possit. Sic in insignis Theologi ac pii palpitationi cordis per crebras vices modò spontè, modò occasionaliter obnoxii, tandem ea continuo dies & noctes afflicti, ac tandem à morbi molestissimi assiduitate attriti & mortui cadavere cordis sinum dextrum sanguine concreto tumidum, ejusdem-

demque auriculam in immensum auctam & extensam, cruoris grumosi copiam ingentem continentem vidit *Willis. Pharmac. rat. part. 1. Sect. 6. c. 3.* Reducibili, dum iusto calidior, acrior, tenuior, inflammabilis, rarefactus, volatilis nimis, biliosus est, dum iusto magis effervesceat, ob heterogeneorum, acidorum & alcalicorum, tetrahedricorum, gladiolorum & uncinulorum congressum, dum nimium spirituaescit, ebullit, accenditur, conflagrat, dum volatilibus, salinis, turgentibus, sulphureis intensis abundat, serosis diluentibus paucis constat, dum particulae in illo vehementius agitantur, dum particulis constat sulphureis nimis volatilibus acribus, dum globuli isti in sanguine in perversam aguntur figuram, situm & motum. *Econtra*, dum crassus, viscidus, lentus, aquosus, *pituitosus* ad effervescentiam, accensionem, expansionem, volatilisationem, *πνευματώσι* debitam minus aptus est, dum in ipso particulae volatiles tenues naturaliter requisitae vel deficientes, vel obrutae ac suppressae sunt, dum iusto parcius spirituaescit. Grumescentiam sanguinis mitiorem & subjugabilem accusat *Excell. Wedelius Theorem. med. part. 2. §. 3. §. 46.* Non irritando solum, sed & obstruendo talis aliquando agit sanguis. Saepius & sanguis & serum imbuuntur particulis, ut varie describunt, vitriolatis, nitrosis, arsenicalibus, armoniacalibus, aluminosis, acidis sylvestribus, ponticis, fluorem adeptis &c. Tartarum, qui vaporosa substantia omnibus inest alimentis, ab Archeo cordis non recte separatum, aut separatum & non expulsum accusat *Burgravius*. Frequenter hic irritat sanguis viscidus, lentus ac simul acris in corde haerens, ut & talis crassus, vappescens quasi, ac in spirituaescencia deficiens, aliquando ab externa causa in effervescentiam p. n. & motum impetuosum s. rarefactionem penitus ab illa naturali differentem actus, quod probe notandum haud semel inculcavit *Dn. Praeses. Quantitate, Excedente*, sive in toto, ut in plethora, ubi V. S. juvare solet, hinc frequentius a sanguinis quantitate, quam ab alio humore deducit hoc malum *Riverius Prax. med. l. 7. c. 2.* sive in corde, cum sanguis ex vulnere in corde abundat, circa id detinetur, stagnat, si arteriae e corde egredientes ex quacunque causa angustiores sunt. Sic arteriae magnae truncum mox a cordis egressu plane ossium s. potius saxeum

ejusque latera valdè compressa, rima tantum relictà vidit *Wil-
lis. l. 6.* Ex sanguinis in corde concepti copia ac fervore, va-
lentes sæpè cordis palpitationes contrahi dicit *Paulus Aegineta
l. 3. c. 34.* *Deficiente*, dum vel non generatur, vel consumitur,
vel ~~non~~ evacuatur, sic ob sanguinem è vulnere effusum *Forestus
c. 17. obs. 1.* & *Ferdin. Histor. med. 79.* palpitationem cordis nota-
runt. *Motu nimio, inordinate*, effervescentia nimia, quam calo-
ris causam *Alii*, *Alii* effectum dicunt, orgastico, depravato, suf-
flaminato, turbato, ut & cum sanguis à *Veteribus* frigidus di-
ctus, quod ante innui, in nimium p. n. motum abit. *Loco*, mo-
dis antea dictis.

9. *Serum* paribus cum sanguine infectum vitiis insigniter
& hîc irritare solet, dum molestâ *quantitate* abundat, unde non
modò mole sua gravare cor sed in motum sanguinis, cujus *ἔχνη*
& auriga ab *Hipp.* audit, in cordis irruendi thalamos citatio-
rem & celeriore reddere, imò flatulentiam cordi maxime in-
fensam, ad quam ratione indolis & naturæ suæ præ reliquis hu-
moribus inclinât, gignere potest. Ita palpitationis à sero præ-
dominante ortæ exemplum habet *Horstius Pr. 1. l. 3. obs. 13.* in
Nobili cui Luna potissimum crescente malum ingravescebat.
Ab eadem causa fuit illa, quæ hemina ichorosi sanguinis edu-
cta à *Zacuto Lûsit. Pr. adm. l. 1. obs. 133.* curata fuit. Defertur
hoc serum s. lymphâ in cor, modò solitariè per vasa lymphatica
& ductum lacteum thoracicum à *Barthol. Pecqueti, & Rudbequio*
elegantè delineata, modò sanguini sociatum pervenas. In-
terdum ipsum pericardium aquis repletur, testibus *Carolo Pisone
l. de morb. à seros. colluv. ortis & Rioli. in partic. affect. Meth. med.
sect. 2.* Imò pectoris sæpè capacitas & pulmones simul hoc inun-
dantur diluvio, quod in *Aug. Imperatore Maximil. II. Crato*, ut
in *Oratione de ipsius obitu* refert, observavit. Ut & hydatidibus
pericardium obsidentibus inclusum *Quidam* notarunt. Ab hac
quoque causa scorbuticam palpitationem cordis *Senn. Pr. l. 3. p.
2. S. 2. c. 4.* deducit; acidâ tamen aut fixas, aut rancidas sero
permixtas & sanguini particulas ego adderem. Nec minori, si
deficit, culpa caret, cùm enim sanguinem, cujus individuus co-
mes est, alioquin crassior non nihil diluat, calidiorem tem-
peret & coctionem ejus promoveat, hoc deficiente ob vasa lym-
pha-

phatica versus cor obstructa, aut inflammatione & intemperie calida exiccata, & assata, aut alio quocunque modo læsa sanguinem magis exæstuarè, tardè moveri inque grumos abire & cordi gravem molestiam creare facile patet. Non autem quantitate solùm seu excedente, seu deficiente hîc peccat, verùm etiam longè frequentius inimicis & vitiosis *qualitatibus* à diversa ejus corruptione, (unde omnis ferè cacochoymia) impressis ad hoc malum inducendum concurrît, variis atomis, de quibus supra thes. 8. quasi gravidum. Si *frigidum*, crassum inspissatum, viscidum, & obstruere & irritare valet. Non rarò *aciditas* jungitur, quæ sanguinem grumosum & ad expulsionem pigriorem reddendo, vel vasa constringendo vel cor vehementius irritando frequentissimè, teste *Sylvio*, hoc malum inducit. Omnium autem gravissimè præ reliquis humoribus serum salinis acribus & mordacibus particulis constans & imprægnatum, aut bilis Cor irritare & in motum convulsivum agere solet. Præcipuè autem ubi particulæ hæ magis excoquuntur exaltantur, & acriores evadunt, ut in bilem atram degenerent, qualem accusant *Aëtiarius*, *Fernel. l. 5. Pathol. c. 12.* *Chylus* venenatus corruptus, purulentus *quantitate excedente, deficiente* peccans nimis volatilis, tenuis, lixiviosus, nimis impetuosè *motus*, hærens in corde crassus, lentus, in talem statum sive alimentorum sive salivæ, sive liquoristam ventriculi quàm intestinorum fermentalis, sive succi pancreatici, sive bilis, sive fecum, sive lymphæ culpa mutatus, quid hic valeat, testatur palpitatio levior, gravior aliquando ac pulsatio, quæ sentitur in furunculis, abscessibus externis, vulneribus, ulceribus, pustulis, tumoribus mox à cibo sumto aut dum adhuc assumitur; quanto enim magis Cor à particulis subtilioribus & ad evaporandum magis dispositis exhalantibus irritabitur à Chylo debitè se non habente & à Stomacho, cui ob nervos compatitur. *Humor* glutinosus *nervos* humectans ac oblinens (non malè ad lympham referendus) in molestiam degenerans acrimoniam irritare aliquando solet. *Bilem* retorridam & exustam ad cordis substantiam confluentem & impetum facientem, quæ non secùs ac pulvis tormētarius accensus moveat ac propellat vicinas partes causam violenti illius & tyrānici motus ponit *Hercules Saxonia*. Egregiè, si rectè explicetur. *Pus* in Pericardio palpitationis causâ

deprehendit *Salmuth* in foemina. *Humores* dicti varii non Cor solum irritare, sed & pericardium laceßere, rodere possunt.

10. E *Solidorum* classe irritant: *Partes* cordi vicinae, quae situm mutatae, tumidae, inflatae; *Diaphragma* eam potissimum parte, quam cor tangit, magnitudine auctum, pectoris Os depressius, *ventriculus à cibo* sive copioso sive nimis fermentante distentus, diaphragma non solum comprimens, sed & ad Cor allidens, ipsumque reperiens, imò & chylo per istam p. n. fermentatione corrupto Cor laceßens, qualiter affectus ventriculus haud raro ipse palpitat, qui motus à palpitatione cordis probè distinguendus. Talis ventriculi palpitatio curata à fuit *Cl. Simone Schulzio Ephem. Germ. Ann. 6. & 7. obs. 141. Cordis Situs* mutatus, sic refert *Schenckius* de quodam Adolescente, qui cum frequenter utraque manu terrae innixus corpus in altum erigendo rotaret, coepit cordis palpitationem, pulsationem vehementem in sinistro latere circa ventriculi ferè regionem sentire, post mortem aperto cadavere cordis situs naturalis relaxatis involucris & vasis, quibus annectitur, immutatus, corque suo mucrone succingenti tunicae circa septi regionem affixum deprehensum fuit. *Tumores scirrhusi, Erysipelatodes, Inflammatorii; tubercula varia*, quae singula aut alia varia si pericardium obsident afficiunt, & irritare hinc solent. Sic *Joh. Jessenius* in *Thoma Aquinatis* cadavere dissecto repertum fuisse recenset diaphragma ad latitudinem pollicis elatum, pericardium usitato crassius, ipsumque Cor tumentius. Tuberculum supra Cordis arteriam producit *Benivenius c. 35.* in arteriis pulmonum cordi vicinis *Feyneus l. c.* Callum in arteria magna loco cordi proximo *Dodonaus in obs. ad Beniven. c. 35. Cuidam apud Hollerium de Morb. internis l. 1 c. 29.* abscessus in vena arteriosa palpitationem excitavit. *Varia solida Cor p. n. aut nonnunquam pericardium* obsidentia huc suam & conferunt operam. In *Joh. Baptista Medensis Sacerdotis* ex *Nobilissima familia Olgiatorum*, ab incunabilis ad annum mortis palpitatione Cordis laborantis thorace repertos pulmones turgidos & flatibus repletos, quibus per mediam membranam separatis, cor ipsum justo majus neque naturaliter formatum deprehensum, pericardio dissecto inter magnae arteriae caudicem & venae arterialis radicem in cordis basi talem carnis excrescentiam repertam, quae unciam unam cum

eum 6. drachmis libraret & aliud corculum repræsentaret, testatur *Gesnerus*. Osseum quiddam & cartilagineum in corde cuidam diuturniori cordis tremore è medio sublato deprehensum fuisse refert *Platerus T. 1. l. 2. c. 11.*

11. Polypi Cordis icones descripserunt *Tulpius & Barthol.* Ut plurimum elongatis, multiplicibus & oblongis pedibus cordis ventriculos & adjacentium vasorum cavitatem quasi replet; varium quoque nanciscitur situm, & rudem configurationem, interdum enim placentulæ instar ventriculorum medietatem occupat & elongatis ramosis productionibus per venas & arterias hinc inde excurrenti sanguini præbet spatium. Color non rarò diversus observatur, nam ut plurimum polypi in dextro cordis thalamo excitati color subalbidus est & interdum rubra quædam vel subnigra stigmata conspersa habet. In sinistro autem genitus, colorem ut plurimum atrum & densiorem obtinet substantiam. Plura vid. apud *Malpigh.* in *dissert. de Polypo Cordis. Laudatissimus Wepferus d. Apopl. polypum,* cujus rami ulnam & amplius longi in aortam extendebantur, extraxit è sinistro Cordis ventriculo mulieris, quæ postquam asthmate & cordis palpitatione diu fuerat conflictata, syncope cardiaca tandem extincta est. Polypum insignem in vena cava ad Cor usque in *Serenissimi cujusdam Electoris* non diu ab hinc mortui cadavere repertum mihi retulit *Dn. Praeses.* Hoc symptoma si producit, ut nondum in sumum gradum aut molem excreverit, non penitus divulsus sit, non omnimodè repleat necesse est, cum ita constitutus Syncopen Cardiacam, malè à quibusdam pro catarrho suffocativo habitam, producat, imò & in Apoplecticorum cadaveribus in cordis ventriculis, aut in cerebro aut in utrisque se tales polyposas concrectiones reperisse *Quidam* testantur. *Bogdanus Epist. Barthol. Cent. 4. Ep. 11.* absumto Sulphure in sanguine Sal coagulandi virtutem exercuisse in polypi cordis productione statuit. *Kerkringius obs. 73. p. 145.* pro pseudopolypis omnes hos agnoscit, seque dubitare scribit vidisse ullum verum polypum cordis. *Vulnus Cordi inflitum Quidam* etiam huc locant, licet à quibusdam abigatur. *Calculos* in Corde quotidianas & assiduas Cordis palpitationes *Helmont.* in *retent.* in arteria versus renes descendente enatos

Tulpius l. c. excitasse scribit. In *Maximiliani II. Aug. Imperatoris* gravi palpitatione per vitam laborantis corde, ut recenset *Wierus l. 4. de Praestig. demon. c. 16.* tres lapilli inventi fuerunt quantitate pisorum, unus interim major altero, colore rubigineo, quibus ut *th. 9.* dictum, illa feri accessit copia. *Vermes* in pericardio aut ipso corde stabulantes & hic nominandi. In ventriculis cordis alatum vermem notavit *Excellent. l. D. Horstius*, album acuto & cornuto rostellum cordi adhærescentem deprehensum describit *Schenck. l. 2. obs. 194.* nigrum cimicis magni forma *Zacut. Lusit. Prax. adm. l. 1. obs. 130.* Animata sive verminosa effluvia ea qua pollent visciditate glutinosa adhærentia ac laceffentia accusant *Illi*, qui malignitatem ac pestilentiam ab his deducunt. Verbo supra *th. 8.* tetigi. *Marcus Aurelius Severinus l. 4. de recondita abscessuum natura* meminit. anguis bifidi in laevo cordis sinu reperti. Singula hæc & tam diversa sub uno irritationis comprehendere volui conceptu, sed addidi: *Insigni.* Nam levis aut momentanea non est, quæ mox transit, Medicum non requirit, insignis est, quia aliàs leprosi, scabiosi, cachectici omnes hoc laborarent symptomate. (An non 7^o secretum Hipocratis & orgasmus materiæ deficiens etiam huc quid faciat, perpendendum relinquo) Hinc viscidam, glutinosam, adhærentem *Quidam* requirunt materiam. Uno verbo: Laceffunt, irritant adducta ita, ut in hunc varium palpitationis nomine venientem motum Cor hostem propellere conans agatur, quæ irritatio huic respondere debet effectui.

12. Ea, quæ ad dictorum irritantium faciliorem sive generationem, sive commotionem, sive utramque quocunque modo faciunt, sunt è Serie Rerum Naturalium: Temperamentum calidius & siccus, quod ac redinem humoribus facilius conciliat & calcar acribus addit, sanguineo-cholericum his copiam jungit. Naturam corporis frigidam accusat *Galenus. Cordis évαισθνοία* s. sensus teneritas irritationem promovens. *Habitus corporis densior*, qui & suum hic confert Symbolum. *Astra* quid valere, vel solæ puellæ ac mulierculæ circa Lunæ mutationes frequentius hoc malo corripit solitæ testantur. Solem à Marte Læsum in themate natalitio accusant *Astrologi. Dispositio hereditaria*, quam *Nonnulli* in cordis imbecillitate, *Alii* in évαισθνοία, *Alii* in substantia cordis densiori &

ri & compactiori quærunt, non malè & in sanguine aut alibi quærendam. *Ætas* & quidem vel senilis primatamen, secundum *Gal. 5. de loc. aff. c. 2.* vel juvenilis, virilis secundum *Aristot. Harvejum, Helmont. & Alios. Sexus*, quorum nullus immunitatem sibi polliceri potest. Viros enim ob sanguinem calidiore & acriorem vitamque exercitiis deditam; Fœminas verò ob sanguinem tenuiorem ferosiorem & magis flatulentum, interdum etiam menses suppressos nullo observato discrimine infestat.

13. E Rerum *Non naturalium* Classe: *Aer* variè alteratus Spiritus & sanguinem diversimodè alterat, vel inflammando, refrigerando, incrassando, flatulentum reddendo & alio modo. Metalla & Mineralia quæruunt aut fundunt, item Artistæ, qui diu multumque circa Aquas Fortes occupati huic malo sunt obnexii secundum *Helmont. d. febr. c. 9. numero. 20.* Palpitasse sibi cor ac si costas perrumpere vellet ab attractis in præparatione Antimonii diaph. atomis penè multis sulphuris antimonii, testatur *Excell. Schulzius d. natur. tinct. Bezoard. cap. 5.* ubi *Angeli Sala* sententiam p. 303. *Oper. chym.* non à directâ & venenosa malignitate, sed nimia copia hujus sulphuris hoc & talia symptomata inducentis etiam subjungit. Hunc proximè sequitur *Vitæ* genus plethoræ & cacochymię generandæ idoneum, ita ex nimia voracitate apud *Galenum & Forestum* genitum fuit hoc symptoma. Cibi frigidi & flatulenti, calidi, putrescentes, non debito modo & tempore sumti, acres & aromatificati, huc quoque referendi. Ita ab usu immoderatiore cinamomi, quod *Mæbius* in Nobili matrona, & *Cummenius Ephem. Germ. Ann. 3. obs. 134.* observarunt, nucis myristicæ & aliorum aromatum contingere solet. *Aquæ* stagnantes, lacustres, impuræ, graves, vina nimis sulphurata, cerevisia non probè defœcata; Vinum generosum amyctide sumtum ob ventriculi distensionem, quod Nobilis apud *Forestum l. 17.* Vino Rhenano nimium indulgens suo nos edocuit exemplo. Inedia, jejunium, fames, & sitis strenuam huc conferunt operam. Sic refert *Duretus de palp. Cord.* quendam febre ardente correptum vehementissimam sitim adeo afflixisse, ut costas ferè fregerit, hac autem sedata remisisse palpitationem Cordis. Non raro à medicamentorū nimis cali-

calidorum, purgantium intensiorum, sudoriferorū, balneorum etiam non ad leges medicas adhibitorum usu affectum hunc incurrimus. Duellum & motum contrarium ab Acidularum simul potu & lotionē palpitationem cordis citare notat L. *Hornigk. de Acid. Swalbac. quest. 96.* Exacerbabatur vehementer præsens palpitatione in muliere hysterica primum ex suffumigio *Œiali* & *Cinabaris* & assumpta Ambra nigra & iterum ex fœni putridi aliarumque herbarum foetentium in olida valde urina decoctarum vapore suasu & consilio nasutularum muliercularum suscepto, teste *Forest. l. 17. obs. 6.* à *Œ dulcis* (ad cuius præparationē *Œ subl. Arsenico* adulteratus receptus est) usu palpitationes & tremores cordis oriri statuit *Lang. l. c. §. 22.* Huc quoque venena pertinent, dictis supra modis communicata, quæ *Vidus Vidius, Aretæus, Sennertus & Alii* acculant contra *fachinum*; rationem addit *Willis. l. c.* Sic venenum extemporaneum & probabiliter philtum in *Quodam 7. V. Doctorando* præter alia symptomata etiam anxietatem cordis, tremorem ejus continuum induxisse, istum denique in vehementissimam palpitationem mortem ipsi inferentem transisse refert *Cel. Mollenbroccius in Advers. Cur. Excell. Caspar. Theophil. Bierling. Cent. c. p. 29.* Motus corporis, præsertim in dispositis suscitato calore Spiritus agitat, sanguinemque accensum ad regiam cordis sedem propellit, ut Exempla suppeditant *Platerus Pr. tom. 1. l. 2. c. 11.* & *Tulpius obs. med. l. 4. c. 19.* Spiritus etiam dissipat; magis autem nocet, si à cibo statim instituat, ob Chylum crudum in vasa lactea præcipitatum cordique oblatum. Quies immoderata, flatuum exclusioni apta causis quoque à *Galeno de P. cord. c. 5.* annumeratur, calorem enim obtundit & transpirationem cohibet. Paria cum his faciunt, imò cum motu & quiete viribus conspirant *Somnus & Vigilia*, imò somnus quies est exercitii sensuum, vigiliæ verò horum in Exercitio consistunt. *Lucubrationes* hic multum valent. Nec corporis solum, verum longè efficacius *Animi motus*, Spiritus dissipando, turbando, avocando, figendo, commovendo, sanguinis ebullitionem excitando, humores agitando, confundendo, motum eorum variè turbando aut sufflaminando idem malum procurant. Ita moeror apud *Ferdin. Histor. 22. Roder. à Fonseca Consult. Med. tom. 2.* Metus inanis in *Monacho* apud *Forest. l. 17. obs. 5.* Ira in *Juvenc* apud *Plater. & Ferdinand. l. c.*

H. 79. item apud *Gabelchover. Cent. 4. Obs. 84. Timaum l. 2. cas. 16. & Alios*, gravissimas induxere palpitaciones Cordis. Inter *Excreta*, nimia vitalis Nectaris sanguinis scilicet, & humoris genitalis prodigalitas, (unde observationes testantur, nonnullis in ipso actu Venereo supervenisse, eamque adeò auctam, ut nisi subito destitissent, suffocati penitus essent) recensenda. Excernenda per ductum choledochum, uterum, hæmorrhoides, glandulas subcutaneas, vesicam, alvum &c. si *retinentur*, heterogenea, materiam illis irritantibus subministrant.

14. In rerum p.n. ordine sunt *Febres* cordi maximè infensæ & quidem ardentes, quibus frequentissimè jungitur. vid. *Hipp. de morb. vulg. l. 1. agr. 2.* in Febre quartana maximas palpitaciones observavit *Bened. Sylvat.* Febres malignas, ut *Senn. P. l. 2. p. 4. c. 4.* notat, teste etiam *Sylvio & Aliis*, imò ipsam pestem sæpissimè comitatur. *Affectio Hypochondriaca, hydrops asites, tympanites* & omnes morbi Cachexiam sequentes frequentissimè hoc malum conjunctum habent. Saliva, ventriculi menstruum, mucus, pancreaticus succus, virile semen, ovula muliebria, uteri fermentum p. n. si sunt constituta, irritanti materiæ ortum, fomitem aut calcar largiuntur. Ex saburra tartarea & Salina cum sanguine ad Cor devoluta & in calculos concreta palpitacionem continuam allegat *Grembsius.* In Cerebro malè affecto radices agere statuit *Senex noster de morbo sacro*, spasmodico non nunquam huic motui hoc modo patrocians. *Ventriculus* debilis primæ coctionis vitium cordi pervasa lactea communicans palpitacionem excitat. Virgo pica laborans, quæ acria & austera, calcem & terram sine discrimine ingerebat, hoc malum incurrit apud *Roder. à Fonseca tom 1. Consult. 24. Intestina* variis morbis obsessa, imò & vermes inibi latitantes palpitacionem hanc excitasse refert. *Vidus Vidius de aff. Cord. & Schenck. l. 2. Obs. 194. Pancreas, Hepar, Renes, glandula varia* suo depuratorio non ritè fungentes officio, *Pulmones* hoc vel illo modo læsi multum hîc valent. *Lien*, non tam vapores ad cor mittendo, quàm sanguinem minus debitè depurando, aut inficiendo, frequens hujus mali causa est, quo & magna familiaritas nervorum splanchnicorum cum cardiacis facit, nam hæc consensus nomen tam imò magis meretur aliquando, quàm illa humorum metastasis. Hinc illud *Casin. Act. 21. sc. 6.* Præ metu ubi sim

nescio, perii! Cor lienosum opinor habeo, jamdudum salit. de labore pectus tundit. A testibus in Lue venerea exulceratis palpitationem subortam fuisse testatur *Zacut. Lusit. prax. Hist. C. 2. obs. 2.* Uterus quid exorbitans agat, *observationes* testantur Nimium *mensum* profluvium apud Heurn. *obs. de morb. Pect. c. 8.* hoc malum procuravit; *Eorundem* suppressio frequentissime id inducit. *Vasa* sanguifera obstructa, angustata, variè læsa, lymphatica obstructa, coarctata, inflammata, rupta, rosa quocunque modo læsa ad palpitationem excitandam nonnunquam aliquid conferunt. *Dolores nimis* haud rarò ad illam vibrationem Cor adigunt.

15. *Differentia* ex dictis, & variis causis, & diversis subjectis erui facilè possunt; Palpitatio sc. Alia est *gravior* & vehementior cum cordis non solum sed arteriarum & partium adjacentium concussione, incurvatione, imò totali interdum fractione, quod *Observationes* supra adductæ satis superque comprobant, junctæ, Alia verò *mitior* & levior, vix observabilis parva & rara, Alia à *spirituosis*, Alia ab *humorosis*, Alia à *solidis* Alia à talibus *variè* concurrentibus orta, Alia à *primo ortu*, Alia *post illum*, Alia à *re in corpore genita*, Alia à *tali illi ab extra communicata*, Alia *idiopathica*, *sympathica* Alia, Alia *continua*, Alia *interpolata*, Alia *benigna*, terminò medico, Alia *maligna*. Alia *absque aliorum comitatu symptomatum*, Alia *multis & difficilibus stipata* invadit, Alia *simplex* alia *composita* est, Alia *subitò* invadit, Alia *paulatim* accedit & sensim desinit, Alia per *quosdam dies* imò diutius durat, Alia per *quasdam horas*, Alia *cum* febre, Alia *sine* febre est.

16. Palpitationis *Imminentis* signa sunt aliquando subitanea pulsus mutatio, Cordisque insolita ac repentina angustia, timor, metus, causæ allegatæ cor irritare incipientes. *Præsens* in sensus incurrit, jungitur aliquando syncope, vertigo, cephalalgia, singultus &c. An *intensior*, vel *remissior*, multiplici sensu, visu, auditu & tactu percipi potest. *Essentialiter* Cor esse affectum ex palpitationis magnitudine, pulsus inæqualitate & symptomatum aliorum gravitate, continua itidem duratione, quæ tamen diuturna non est, colligitur. *Per Consensum* Cor laborare partium mandantium morbi & sympto-

ptomata manifestabunt. *Ille* invadit sine prævio morbo, *hæc* aliorum morborum præludia subsequitur, juvant quoque medicamenta parti mandanti appropriata. Causam specialem prægressæ causæ, effectus & symptomata detegunt. A flatibus quæ excitatur, citò invadit, inflationes partium, pulsus tremulum in genis, palpebris vel in aliis partibus, dolores & anxietates Cordis repentinas, interdum oculorum obtenebrationes, sonitusque aurium secum trahit; præcesserunt causæ flatus generantes, junguntur rugitus, ructus, citò fit, citò perit. Si *Spiritus* aut *sanguis venenatis* infecti miasmatibus, magna observatur motus variatio lapsusque virium repentinus maximus, qui sæpè in lipothymiam & syncopen degenerat. Venenum *communicatum* haud rarò æger refert, aut extraordinaria ostendunt symptomata. Cujus naturæ & indolis *Humores* hic peccantes sint, de eo facilè temperatura ægri, & ipsa sympomata, nec non alia signa horum qualitates arguentia, ex *Præcticis* petenda, nos certiores reddent. *Quantitas sanguinis excedens* cognoscitur ex rubore, tumore, dolore & aliis signis; *Deficiens* ex pallore, virium dejectione & causis prægressis. Si à *Sero* in pericardio abundante, palpitatione undosa est, Cor quasi in aqua natante laboranti videtur, pulsus molliores & formicantes dicit *Salmuth. cent: 1. obs. 13.* respiratio laboris plena, ægri sitiunt, motus valdè p. n. percussivus perpetuus est. Si aliarum causarum signa absunt, de *solidis* cogitandum. Costarum affectus in oculos incurret, tumor dolore se prodet. Vermes pallidus faciei color, anxietates, dolores, lipothymix, deliria, pruritus narium &c. prodere conantur. Dubia autem dicta solidorum signa nonnunquam esse facilè largior.

17. Palpitatio Cordis sive Partem hanc Principem, sive motum depravatum, sive symptomatum, quæ ipsam comitantur violentiam & gravitatem videas, in genere *periculum* portendit, *majus* tamen, per idiopathiam si sit, & perpetua aut intermittens quidem sed valdè magna, testatur enim *Experientia*, eos, qui frequenter & quasi ex improvviso Cordis palpitatione corripuntur, rarò grandævam ætatem attingere, nam Cor, teste *Philosopho*, gravem morbum diu perferre non potest. Si symptomatibus vehementioribus stipata incedit, periculosior est, ut

respirandi difficultate in *Antipatro ap. Galenum*, Orthopnæa & tussi ap. *Lotichium l. 3. c. 10. obs. 8.* suffocationis metu & anxietate ap. *Platerum P. Tom. 1. l. 2. obs. 6. 11.* suffocatione in *Disp. cit. Excell. D. D. Metzger.* Syncope in Juvene ap. *Ferdinand. it.* in foemina quadrata ap. *Zacut. Lusit. Pr. adm. l. 1. obs. 135.* nausea & vomitu bilioso apud *Mesuen.* Cordis palpitatio quæ febris acuta supervenit, cum animi deliquis & syncope lethalis, inquit *Rhases.* Periculosior quoque Cordis palpitatio à causis internis & venenatis inducta. Externa tamen causa nimis violenta, haud raro maximum creat periculum. *Pessimum*, si ex vulnere Cordis & soluta unitate proveniat, ibi malum est desperatum. Si ex sero in pericardio copioso, *rarissimè* curatur. Causæ pertinaciores & pertinacius inducunt malum, remissiores levius. Vires penitus debilitatæ & fractæ parum hîc spei relinquunt. Aliquando diarrhæa, aliquando arthritide, aliquando vomitu terminatur. Ab animi motibus quæ oritur palpitatio, facilè & in brevi ut dicit *Attil. Bulget. l. c.* liberabitur, at, an semper dubito. Tremula palpitatio si vomitum præstinum præcedit & sequitur, spasmus, epilepsiam & mortem portendit.

18. *Curationem* aggredienti quid si Quis obijceret? Palpitationem Cordis esse motum, quo hostem propulsare, abigere omni nititur conatu, dixisti hætenus; cur ergò istum, qui Naturam liberare cupit, medicamentis tollere tentas motum? Resp. 1. Proponam modum, qui Naturæ in hoc conatu pro eliminando inimico & expellendo suppetias ferre, & amicam per medicamenta jungere manum docet. 2. Ille motus ac ad extremum sæpè tendens Naturæ conatus anceps est, aliquando in salutem vergit, sæpius si perinacius & frequentius durat, lethalis fit, aliquando medio modo se habet. 3. Et causæ & symptomata hunc motum comitantia & sequentia præter Naturæ intentionem haud raro magna secum vehunt incommoda. Ex *Methodi* ergò *Medendi*, secundum indicationum requisita, lege, abs qua si agit Medicus, cæcus ægrum cæcum ducit, ista irritantia, quæcunque sint, amovenda, imminuenda, avertenda, invertenda, immutanda, quæ materiam, aut fomitem præbent, quæ commovent, abigenda, corrigenda, motus avertendus, inhibendus, sufflaminandus, demulcendus, & sic vires restauranda sunt. Hæc exc-

exequitur Medicus materia ex promptuario *Chirurgico, Pharmacutico & Diatetico* deprompta.

19. E *Chirurgico, Venæsectio*, magnum in vincendo hoc malo auxilium, sanguinis nimiam quantitatem imminuit, fervorem, incendium restinguit, acrimoniam mitigat, motum vehementiorem, impetuosiores refrænât, coercet, *secundariis præsertim Indicantibus* consentientibus, nec prohibetur à viribus ab oppressu à dictis modò causis, languentibus. Comendant eam *Galenus l. 5. de loc. aff. Avicenn. l. 11. Fen. 3 tr. 1. c. 7. Aeginet. l. 3. c. 34. Aetius tetr. 2. serm. 4. Massari. l. 2. c. 8. Attil. Bulget. l. c. & Alii plures*. Instituenda autem mox, partitis vicibus, si opus est insigni evacuatione, aliquando in brachio vel manu, aliquando in pede. Non autem adhiberem spirituum & sanguinis defectu præsentem, hydropicis, decrepitis, infantibus aut similibus. *Arteriarum* ramum exilem hoc in affectu *secare* utile & facilè judico, quod & suadet *Septalius Animadv. l. 6. Animadv. 171. Cucurbitula scarificata* vices & hîc V. S. agere possunt non solùm, sed & post V. S. applicitæ sive *cum* sive *sine* scarificatione revocare, avertere, sufflaminare motum, spiritus excitare, divertere, varias particulas discutere, educere solent. Laudat *Hieron. Capiuacc. Pr. l. 2. c. 8.* Affigunt scapulis, dorso, hypochondriis, partibus inferioribus. Cordi sive pectori *Quidam* applicare jubent, at cautè hic procedendum, cum palpitationem, ibi adhibitæ, aliquando excitent, intendant, quod & de hypochondriis monitum velim. *Ludovicus de Leonibus* cucurbitulas post reiteratam V. S. imponi jubet sub papilla sinistra versus dorsum & lumbos inferius usque ad nates. *Hirudines* & hîc non rarò utiliter sanguinem extrahunt. *Fonticuli*, quos præscribit *Mercurialis Prax. l. 2. c. 10.* *Vesicatoria* serum non imminuunt solùm, sed & varias salinas, acutas, diversas, sanguinem & serum contaminantes educunt particulas. *Cantharides* *Quidam* ob cordi infensam Qualitatem exulare in hoc affectu jubent, at illam per sem. Ameos corrigi *Alii* prætendunt. *Sinapismi, Frictiones, Ligatura dolorifica*, alia *dolorem facientia*, imò & *Ustiones* haud rarò multum juvant, non sanguinem solùm ac serum depurando, immutando, mitigando, sed & spiritus avertendo, in ordinem revocando. *Aspersio aqua*

frigida non malè etiam à *Quibusdam* adhibetur. Sterno *terebrâ perforato* pericardium ab humorum sarcina liberare jubet *Riolanus Enchir. Anat. l. 3. c. 4.* Ego à nemine adhuc effectum novi. Per *Chirurgiam Infusoriam* legitimam aliquam *Coralliorum Tincturam* contra enormes cordis palpitaciones infundendam censet *Celeberr. Ettmüllerus de Chirurg. Infus. conclus. 3. §. 3.* Vulgares verò *Pharmacopæorum Tincturas*, vel alias etiam, quas *Elegantiores Spagyrici* literis posteritatī tradiderunt, non esse veras proprièque dictas tincturas, neque rigorosum requisitorum examen sustinere, sed vel colorata tantum esse menstrua, vel tinctas eleganter solutiones dicit *de Tinctura Corall.* Difficultates & remoras hactenus istius operationis non allegabo.

20. E *Pharmaceutico* de promenda *Evacuantiâ & Aliterantiâ.* Inter illa famosissima sunt *Purgantiâ*, de quibus dubium statim oritur an convenient, eò quod calorem nativum debilitent, humorum fermentationem juvent; verum cum à *cachymia* oritur, utique stante ejus *Indicante* nulloque prohibente consequitur & ipsam purgationem ejusque materiam proficuum fore. Profunt autem in hoc affectu mitiora *Purgantiâ*, qualia sunt *Decoctum prunorum dulcium, passularum, Manna, Falappa, Rhabarb. tamarindi, aloe rosata, fol. senæ el. Sir. ros. sol. Sir. viol. sol. &c.* *Elaterium, Mezereon* etiam *Cordialibus*, quod *Quidam* præcipiunt, mixta formidarem. *Purgantes pilulas & Apozema* præscribit *Sylvius pr. l. 1. c. 35.* De *Cassia ex Ballonio Bonetus Pharm. Med. p. 380. seqq.* habet. *Quidam* natus viginti, cum palpitatione annos aliquot laborasset, assumpto *Cassia bolo* interiit, quod iis contingit, qui ex palpitatione molestantur. *Vomitória* locum habent, si materia in *Ventriculo* hæret, viscida, ad superiora viam affectans, indomabilis, quæ tetros halitus ad Cor mittit, vel vitiosi alterationem respuentes copiosi humores in tunicis *Ventriculi* impacti sunt, nihil contra indicat. Commendo *Tartarum emet. Ludovic. Diasar. Fernel. Clysterum* usum egregium *Hollerius in Praside Rhotomagensi* observavit, gaudent enim virtute leniendi, revellendi, flatus dissipandi, suscitandi, hinc primum & proximum locum inter auxilia paroxysmum imminuentia sortiuntur. Paucam tamen injiciendi liquoris quantitatem.

tatem suaderem, ex emollientibus, abstergentibus, irritantibus carminativis. Locum in quibusdam casibus suppleant *Suppositoria*. *Diuretica* absolutâ purgatione, si serum in corpore abundet & delinquat, si urinariæ viæ non læsæ sint, conducunt, quod faciliè hoc modo ad renes divertitur & per urinam evacuat. *Diaphoretica* reliquias vitiosas non modò educunt, sed & vapores & flatus discutiunt, particulas irritantes invertunt, in specie, potiora illa quæ 0. 22. recensentur, sunt. Reiteratis libentiùs vicibus, quàm unâ sudorifera exhiberem. Sanguinem & serum qui etiam per *Apophlegmatizantia*, *Errhina*, depurare, irritantes particulas educere jubent, haud malè consulunt. Imò an non & *Sternutatoria* singulare quid aliquando hîc valeant, perpendendum si lubet, propono.

21. Ex *Alterantium* Classe, quæ spiritus nimis fervidos, tenues, volatiles, ac impetuosos, concitados, orgasmicè motos refrænant, compescunt, coercent, halitus, flatus sive ob effervescentiam p. n. nimiam calidiores, acriores temperant, mitigant, sanguinem calidiorem, acriorem, rarefactum, biliosum, inflammatum, effervescentem refrigerant, demulcent, incrassant, corrigunt, restringunt, deprimunt, chylum nimis tenue, lixiviosum, volatilem emendant, particulas in sanguine nimis acres, salinas, sulphureas, mordaces exustas, spicula varia obtundunt, infringunt, evertunt, sunt plura. Potiora ponam & usitatiora seqq. CC, *Rhinocerot. Os de corde cervi, Oc. 00, Ebur, Unicornu utrumque, Margarita, Corallia, Terra Sigill. Santalum album, rubrum, acetosa, acetosella, borrago, buglossa, cichorium, endivia, nymphaea, taraxacon, flor. tunic. sem. 4. frig. amygdala dulces, ceras. acida, fraga, mala citria, granat. rub. id. bacc. rad. acetos. tarax. torment. Serum lactis, acetum rosaceum, rub. id. Aqua destillata ex dictis simplicibus destillandis, Cordialis frigida, Hepatica frig. M. condit. car. Citr. fructus laudat. Conf. Citri M. Conserv. ex dictis, Decoctum Citr. morsul. de Citr. Trochisc. de Crem. Tartari, Nitrum perlat. Pulv. analept. fr. Mind. Syr. ex laudatis, spec. diamarg. fr. Diatr. santal. spirit. Vitrioli, Sals, Nitri, phlegma vitriol. & sulphuris. tinctura vegetabil: Salia fixa destruentia, clyss. antimonii &c. Blanda tamen acida eligerem. Opiata & hîc locum inveniunt; dùm spirituum & humorum inor-*

inordinatum & efferum impetum sistunt, motum sufflaminant, fibrarum agitationem impediunt, somnum, qui & in hoc affectu gemmas & lapides pretiosos superans arcanum est, ut loquitur *Crollius Basil. chim. c. 7. p. 198.* procurant. At maximâ in hoc symptomate sunt adhibenda prudentiâ, nam habent se instar ensis bifidi, quem si incauta infantis, ebrii aut furiosi manus tractat, mortem aut damnum Domino infert, si dextra prudentis gerit, auxilium ac defensionem præstat.

22. Quæ verò spiritus crassiores, obscuriores, magis lentos, deficientes rarefaciunt, volatilifant, serenant, resarciunt, augment, vapores, flatus sive mineræ, sive fermentationis imminutæ culpâ crassiores, viscidiores, discutiunt, sanguinem deficientem, viscidum, lentum, aquosum, crassum, pituitosum, obstruentem, grumescientem, vappescentem, stagnantem, chylum nimis viscidum, flatulentum, acidum, vappidum, serum etiam copiosum, lentum, viscosum, restaurant, attenuant, incidunt, resolvunt, coquunt, accendunt, expandunt, calefaciunt, in Spirituascientiam agunt, promovent, agitant, imminuunt, itidem, sunt varia, è quibus, quæ in usum ducenda censeo, sunt seqq. *Ambra, Moschus*, quem variis contra palpitacionem Cordis medicamentis imiscet *Eustach. Rud. de virt. & virtus Cord. l. 2. c. 14.* *Castoreum, Mumia*. quam aliquoties cum aq. cinam. exhibitam contra penitus inveteratam palpitacionem commendat *Hartmann. Pr. Chymiatr. p. 92.* *Zibethum, Cerebrum Orca, Cinam. Cort. citr. arant. tamarisc. cappar. flor. anthos. lavend. lil. convall. salv. Crocus, melissa, Majorana, Chamom. nasturt. aquat. cochlear. absinth. rosmar. Eupatorium, Cuscuta, fœnicul. salv. Scord. Rad. angelic. Zodoar. Contrayerv. dictamn. gentian. Scorzon. Sem. angelic. anis. fœnic. Citr. napi. Aromata, lign. aloes saßafr. mal. arant. bacc. juniper. Camphora, Vin. malvat. Camphoram sanguinis humani describit Spontonus *Cæchidneolog. c. 11.* *Aq. destillat. ex dictis simplic. carfuncul. Anhalcin. magnanim. flor. Citr. naph. Cinam. bugloss. ex cord. cerv. meliss. cum vin. cydon compos. Dn. Præsid. vitæ tutelaris*, quam commendant, *Heurn. meth. ad. Pr. l. 1. & Rolfino. Chym. l. 3. sect. 2. art. 1. c. 20.* *Aq. ex carnibus animalium destillatas* meritò parvi pendit *Joh. Gallego de la Serna d. virtute Aq. ceras nigr. differens. Aur. Alexandr. diacynamom. Reg. M. Conf.**

Conf. alkermes, diascord. Fracast. Theriac. Andr. Cond. cort. citr. arant. N. mosch. rad. Scorzon. Zinzib. Extr. ex laudatis. Conserv. ex dictis, Elix. vita Q. Matth Elixiria Sylviana, Liquor salis aromat. M. Essent. Citri, Castorei, croci, meliss. Ol. destillat. ex aromat. & aliis jam adductis, Elaosacchar. ex his & ambr. Syr. ex istis, de s. rad. byzantin. Spec. aromat. ros. diagalang. diaxyloaloes &c. Salia volatilia tam manifesta, quàm occulta, tam libera & sui quasi juris, quàm in ol. concentrata; inter Illa eminent viper. cran. homin. succin. lumbric. fulig. urin. tartari. Nec fixa hîc excludenda. Spiritus theriacal. camphorat. Spec. diamb. CC sang. cerv. meliss. armoniac. anisat. Spiritum Regium ex spir. martis volatil. rosar. Ambr. mosch. & conf. alk. commendat Hofmann. meth. p. 315. Si oleum cinamom. gariophyllorum, Lavendul. &c. noveris transmutare in volatilem, nactus es medicamen temperatum, efficiens quantum de istis simplicibus sperari potest in veteri vertigine, palpitatione, similibusque, inquit Helmont. de febr. cap. 15. num. 7.

23. Sanguinem crassum, vappescentem, in spirituaſcentia deficientem, acidum, simul v. p. n. agitaturn, effervescentem & impetuosè motum corrigere prudentis est Medici, ubi jungenda ex diversis istis, quæ jungi possunt. Et simplicia temperata exhibere, aut alia, ut temperatum emergat, miscere sæpè necesse est. *Absorbentia* sive imbibentia, vulgò præcipitantia refrænant & acidos & lixiviosos agitados humores, suo etiam sale volatili non penitus destituta. *Spasmodicum motum* corrigere modò talibus, modò volatilibus & prudens medici judicium dijudicabit. Plurimis modis in hoc affectu conducunt Acidulæ, juvant Martialia. Inter cardiaca, quorum est noxia omnia depellere, locat *Aurum Mæroldus Med. Pract. l. 140.* subjungens: *præsertim in bursa & copiosum. Picam loquacem Cordis Palpitationi conferre dicit Aldrovandus in Prolegom: ornithol. tom. 1. Raymundus Johannes Fortis Professor Patavinus in Consult. medic. 45. cent. 2.* destillatum præscribit contra palpit. Cordis, quod varias patitur instantias.

24. *Morbis etiam aliarum partium, à quibus palpitatione oritur, cura est opponenda. Palpitationem cordis Stomachicam curatam vid. ap. Welsch. Syllog. observat. Martii Med. 61. Para-*

Celsus l. 2. de *Tart. c. 2.* tremorem cordis, ut febrem à Stomacho curandam dicit, non enim cor respiciendum, ut vulgò fieri solet, exhibitis cardiacis, sed stomachum, in quo morbus defixus à felle, quòd expelli non potest. In palpitatione ex utero non cardiaca aromatica communiter usurpari solita, sed *castoreum*, *galbanum*, *asam foetid.* & similia non neglectis *Bezoarticis* adhibenda esse dicit *Horst. Cent. 1. deead. 5. quest 4.* Illam ex nimio *cinamomi* usu à *Cummeno* observatam volatilia & aromatica non imminuebant, ab *acidis* tamen insigne ægra sentiebat levamen. l.c. Ex *antimonii atq; mis Tincturâ Bezoarticâ* curavit laudat *Schulz. ius* l.c. In *Melancholia hypochondriaca cessare* dicit *Geyger de melanch. hyp. c. 32.* Si evaporationes malignæ impediuntur, aut per corroborantia sistantur: *Virgini*, de qua *suprà*, *Fonseca* suadet, ut prorsus abstineat ab esu terræ vel calcis, aliorumve austeriorum, acidorum; sed quia difficile admodum est, appetitum obtundendum dicit *amylæ recenti* assumpto, *sem. citr. contus. & cum vino bibitis*, *vinipotione meraci* jejuno ventre & usu *pinguium* l.c. Ex ira ortæ opponit *Timeus* l.c. frigid. subacid. ex *acetos. eichor. endiv. portulaca, succ. granat. rib. frag. berb. citr. &c.* Remedia contra *polypum Cordis* ex *Nitro*, *spiritibus volatilibus & CC.* non ex *O*, *Vitriolo* peti debere opinatur *Malpigh. l.c. Willis. volatili* non juvante, *acidum* præscribi vult. *Malignitas* si causa est, *Bezoartica* opponenda; Si *Vermes*, enecari posse censet istos in pericardio *decocto Scordii, absynthii, centaurii &c.* bisterve de die hausto, *Barbette Anatom. Pract. c. 3. p. 3. c. 2.* *Allium* laudant *Plures.* Si à *pulmonibus* tabidis aut arteriarum radicibus propter tuberculum aut excrescentiam osseam semioppletis aut compressis excitatur, frustra esse earum sublationes moliri, & unicè id agendum dicit *Willis. l.c.* ut levamine quodam per *hypnotica* subinde procurato ægrotantium vita etsi misera paulò diutius protrahatur.

25. *Externa* sive *Topica* sive naribus, sive pulsibus, manuum volis, temporibus, pedum plantis illinantur, adhibeantur, imponantur, sive Cordis regioni, hepati, testibus, axillis aut alio loco applicentur, spiritus reficere, solari, aliquando excitare, sanguinem transeuntem quam maximè afficere & vires suas

suas cum sanguine refluxo in Cor transmittere norunt, odorifera fragrantia, nonnunquam graveolentia, penetrantia ex herbis, radic. rec. oleis, balsamis, spiritibus, aq spirituos decoct. &c. forma epithem. cataplasma. saccul. foment. liniment. unguent. cerot. ex varis jam laudatis. Scrobiculo Cordis Salia volatilia ac præcordiis externè applicare jubent *Quidam*. Ex melissa & borragine fomentum aceto & aq. rosacea imbutum Cordis regioni imposuit *Forestus lib. 17. obs. 1.* eoque tanquam incantamento quodam symptomata in multis sedavit. Fœminis, quæ odorata ferre nequeunt, si palpitatio ex utero oriatur, lotiones pedum ex plantis uterinis suadendæ, sacculi ex iisd. herbis confieri possunt. Camphora collo appensa valdè proficua esse censetur; cum Croco eandem miscet, & butyro insulso aut Unguento pomato *Mæbius anat. camph. c. 17.* Cordis regioni illinit. Laterem calentem aspersum vino malvatico commendat *Fernelius* & alia plura. Commendant & externè Theriacam, Pinguedinem Gallinæ rec. aq. rosar. lot. cum ol. d. cinamomomi, mosch. ambr. &c. mixt. Aq. theriacalem spongiâ applicitam Cordi laudant *Quidam*. *Thonerus l. 3. de cord palp. Obs. 1.* inter alia præscripsit cum laudabili effectu scutum stomachic. ex ladano & tacamahac. Formulas tam internorum quàm externorum medicamentorum concinnare ex dictis cuivis liberum relinquo. In Paroxysmo vehementiori quid faciendum, hætenus proposita facilè determinabunt; ut enim, quæ celeriter ac citò subveniunt, adhibeantur, necesse est.

26. Tandem etiam *Dieta* accedit, quæ maximæ in hujus mali præservatione, causarum remotione, viriumque conservatione & restauratione est virtutis. Aer igitur sit temperatus, fugiatur nebulosus & caliginosus, aut suaveolentibus alteretur. *Victus* sit modicus, (omnis etiam expeptorum copia nocet;) concoctu facilis, optimi succi, vitentur cibi flatulenti, condiantur aniso, fœniculo, cinamomo; causâ calidâ, juscula rec. herbis alterentur. Vinum conceditur plerumque, non tamen semper. Cerevisia sit benè defæcata, fames vires exsolvit. In Motu & quiete, somno & vigiliis præsertim verò animi pathematibus auream mediocritatem commendo; Comitissæ à Westerburg.

Cordis palmo laboranti, nè quid tristis nuntii perferretur, sedulò monuit *Langius Epist. l. 3. Ep. 2.* Moraliter & Physicè contra iram egit *Timaus l. c. Excernenda* excernantur, *retinenda* retineantur. Et hìc terminus esto!

DEO interim T. Opt. M. Cœlesti Archiatro, pro innumeris toto vitæ curriculo exhibitis beneficiis, & ineffabili ad studium medicum pertexendum concessa grátia sit LAUS, HONOR & GLORIA in sempiterna secula.

F I N I S.

